

յաստանում եւ թէ՛ Տաճկահայաստանում յաղթանակում էին նրանք, որոնք պարզել էին ազատութեան, եղբայրութեան, հաւասարութեան եւ առհասարակ գիտութեան ու նոր դադարների փայլուն դրօշակը:

Տաճկահայաստանում արեւմտեան դադարների ուժեղ դրօշակակիրներն էին՝ Գրիգոր Օտեան, Ռուսինեան, Ստեփան Ոսկան, ապա Մամուրեանը, Ծերենցը եւ ուրիշները:

Ինչպէս Ռուսահայաստանում մեր ազատամիտ-լիբերալ հրապարակախօսներին զօրավիգ էին հանդիսանում առաջադէմ բանաստեղծներն ու վիպասանները՝ Սմբատ Շահազիզ, Բաֆֆի, Գամառ-Քաթիպա, Ղազարոս Աղայեան եւ ուրիշներ 60-ական եւ 70-ական թուականներին, այնպէս էլ տաճկահայ կեանքում առաջադիմական դեր են կատարել Որմեան Հայրիկ, Սրուանձտեան, Պէշիկթաշեան, Թէրզեան, Սորէն Նարպէյ եւ ուրիշները՝ դրական-թատերական եւ հասարակական շարժման ասպարէզներում:

Մենք դիտմամբ այստեղ չենք յիշատակում այն գործիչներին, որոնք Ռուսահայաստանում եւ Տաճկահայաստանում պարզել էին պահպանողականութեան դրօշակը եւ ուժգին պայքար էին մղում վերեւ յիշած խիզախ ազատամիտների դէմ: Չենք յիշատակում ո՛չ թէ նրա համար, որ նրանք բարեբախտաբար պարտուել են այդ պայքարի մէջ եւ ոչ էլ նրա համար, որ ուրանում ենք նրանց պատմական դերը: Բնա՛ւ ոչ: Չենք յիշում նրա համար, որովհետեւ այստեղ հայ դրականութեան պատմութեան տեսութեամբ չենք զրադուում եւ մէկ էլ այն պատճառով, որ մեղ հետաքրքրող վաղամեռիկ բանաստեղծ Դուրեանն ազատամիտների բանակի մարդ էր:

Նա ծնուեց այնպիսի ժամանակ, երբ հայ ժողովուրդը վերածնունդ էր քաղաքականապէս եւ կուլտուրապէս թէ՛ Ռուսաստանում եւ թէ՛ Տաճկաստանում, երբ տակաւին հայ տարրն ո՛չ թէ գոլումնների եւ կոտորածների էր ենթարկւում, այլ երկու պետութիւնների բարեացակամ վերաբերումի եւ հովանաւորութեան առարկան էր՝ նրանց քաղաքական եւ տնտեսական մրցակցութիւնների պատճառով:

Ազգային սահմանադրութեան եւ ազգայ-

նական-նօմանտիկ ուղղութեան գերիշխանութեան օրերին ծնուեց եւ կարճատեւ կեանք ունեցաւ տաճկահայ գեղարուեստական դրականութեան ամենասիրելի դէմքերից մէկը՝ «Տըրտունջը»-ի անմահ հեղինակը:

II

ԴՈՒՐԵԱՆԻ ԸՆՏԱՆԵԿԱՆ ԵՒ ԴՊՐՈՑԱԿԱՆ ՄԻՋԱՎԱՅՐԸ

Պետրոս Դուրեանի պապը մի երկաթագործ էր, անունը Սարգիս: Մի օր, 1830 թուին, երբ նա աշխատում էր իր խանութում, գալիս է նրա մօտ մի յաճախորդ, որ խօսակցութեան ընթացքում միջանկեալ հարցնում է, թէ «ի՞նչ պէս կը ծակեն պարզունակին (այսինքն՝ դրան փակի) ծակերը»: Սարգիսը պատասխանում է, թէ «Զմպայով»: այցելուն վրայ է բերում «վա՛յ դմպայ»: այդ օրուանից սկսում են կանչել «Զմպայ Սարգիս»: Իսկ վերջինս որդիները եւ թոռները կոչւում են Զմպայեան:

Պետրոս Զմպայեանը, որ Սարգսի թոռն էր, Իսկիւտարի ձեմարանի սան եղած ժամանակը, անշուշտ բարձր դասարանում, անհաճելի է գտնում իր ազգանունը եւ ցանկանում է փոխել մի ախորժելի բառով: Այդ որոնումների ընթացքում նա բաց է անում մի հին բառարան, ուր գմպայ բառին համապատասխան գտնում է դուրը եւ 1865 թուից սկսած Պետրոսը գրում է Դուրեան ազգանունով:

Զմպայ Սարգսի մահից յետոյ Դուրեանի հայրը, դարձեալ երկաթագործ՝ Աբրահամը ամուսնանում է 1845 թուին օրիորդ Արուսեակի հետ, որ մի գրագէտ եւ համեստ աղջիկ էր: Այդ ամուսնութիւնից ծնւում է Պետրոսը, որ ունեցաւ մի քանի եղբայրներ եւ քոյրեր: Դժբախտաբար, երկաթագործի աշխատանքը շատ էր համեստ, ուստի եւ նա չքաւոր վիճակում էր ապրում իր բազմանդամ ընտանիքով: Նոյն թշուառ ընտանիքի ամենակրտսեր որդին էր Միհրանը, որ յետագայում դարձաւ նշանավոր քաղաքական Դուրեանը՝ Պոլսի նախկին եւ Երուսաղէմի այժմեան պատրիարքը, որ հայ դրականութեան մէջ յայտնի է դարձեալ որպէս բանաստեղծ. նա ունի կրօնական-բարոյագիտական ընտիր քերթումներ:

Պետրոս Դուրեանը յաճախ աշխատում էր անօթի, արցունքների եւ վշտերի մէջ, հողէ